

neih ka ut zaw, mite pahtawina sangin, ginom a amah panpih mah ka ut.. Jesu neih ka ut zaw, Khovel minthanna sangin. Amin Sianghthoutak pahtawi ka ut zaw e,” Ahon chi thei ta hi. Tua la akaih abawl zou a. Biakin ah lungsimtak leh chihthakna toh hon sakhia hi. A Testimony Le thupi lua ahihmanin, mite lungsim akhoih mahmahta mai a, kal khatle pha lou in Khovel a deng suak hi.

Chicago Radio inleng Pathian la kia asak phalin contract a signpiph veve

uhi. Billy Graham toh le hong ki thei tou in Billy Graham Crusade na-tek hawng ah la asa zel hi. Mite lungsim azou thei mahmah a. Billy Graham Home Coming Video-te khawng ah leng hong tel ta hi. George Beverly ahiehleh kum 102 aphakin thupina gam ah ana khawlta hi. Asihnungin leng hiai la in mite lungsim ah thupitak in thu agen a, nna thupitak asem zom zel hi. Haksat hun leh nopsak hunte a Jesu a khatna a koih gige tuh ana manpha mahmah ahi chih George tungtawn in i mu thei hi.

PCI DAY ZANGKHAWM UH

I saptuam khangthu a aom patna chih theih phial ding in South Lamka Presbytery PYF leh Lamka Presbytery PYF kigawm te'n, Youth Coordinator, Rev. M. Khamlianmang lemgelsiamna tungtawn in Mualkoi saptuam ah April 19 & 20 sung PCI Day lopna leh Pathian kiang a kipahthu genna hun zangkhawm uhi.

Hiai hun ah lapawl leh mimal lasiam tamtak hihel in, Lamka Presbytery leh South Lamka Presbytery tuailaite kithuahkhawm masakna ahihtoh kipak mahmah leh kingaihnaatna lian sem toh hunte zang ua, Mualkoi PCI in mipi paikhawmte Singpi leh Sang in vak uhi. Hiai hun ah mi tam mahmah in, biakin dimlet in mipi paikhawm uhi.

NU LEH PATE' NI BANGCHIBANGA ZAT NATUM A

-H. Thiansong

Pathian' Saptuam makaite kiang a thukup ka hon gelh ma in aphattuamna om ngei ding a lametna toh ka mangngilh theih louh Nu le Pate Ni ka hon gen himhim mai ding.

Ka neulai in singtang khua khat ah ka teng ua, Sunday Skul kai leh lawmpolh khawng anuam thei mahmah hi. Saptuam' ni poimohte ka ngaklah ua, ahongtun chiangan nuam ka sa thei mahmah uhi.

Father's day ahongtun ding kuan in Sunday skul superintendent pa'n naupang te'n pakkhi bawl chiat ding Father's day ni a Pakkhi khat chiat tawi ding chihthu hon puang a kipakin khut ka beng zaizai uhi. Ka nau toh pakkhi bawl in buai petmah in ka buai ua, ahihhangin ka nu'n bel pakkhi bawllou ding leh Father's day chiang a biakin kailou dingin ahon gen hi.

Father's day hongtung petmah a, hon khouzoulou ahihmanin Biakin ka va kai teitei uhi. Chairman pa'n Sunday skul naupangte hun hon piaktakin Superintendent pa hong ding masa a, naupangte'n pate pahtawina bawl ding ka hihdan uh ahon gen zohin ka pakkhi tawi chiat uh toh ka tutna mun ua pan hon ding sak a "Tunnu Zuapa ngaih aw hondampih gige in.... pahman paklun tawi in" chih laa kasa zaizai ua, a nuam petmah mai hi.

Huan Pa tengteng Pulpit kiang a stage ah ading sak vek a, naupangte'n na pa chiat uh pakkhi va oksakta un hon chihhtakin kou leng stage lamah kava pai sam ua, himahleh ka pakkhi tawi uh oktu ding koi ah? Ken ka pakkhi tawi kua ngawng a va baat ding ka hia? Pakkhi ka oksak ding ka pa om nawnlou ahihmanin munkhat ah ka dingding ua, atawp in kakap uhi. (tu a ka ngaihtuah thakthak leh ahon sihsan nung kum 2 na hun lai hiin ka thei),

a koihkhawmna ding ua kibawl ah a koih zel uhi. Loukuan-singpaw kawm a mission nasepna thupitak hong suak hi. Theihlough kal in tampipi hong pha a, sum suah in Manggam nasepna dingin ana kizang zel hi. Eite mahmah i dinmun uh toh et din aki zen tanchinpha phuangzakna lak a telkha ihi mai uh zaw thupi lua hi. Toupa min phat in om hen.

03. Antangpham: Dinmun zil a Mission nasepna dia Toupan ahon piak non khat tuh "Antangpham" ahi. Khamangthangte lainatna ziak a Nuten tapkotawng a ann ahuan kawm ua Mission nasepna a apan theihna uh Toupa'n hon pia hi.

Tulai in tawmngaih suah in antang huan dingte lak a kipan bangzah hiam hamkhiakhinawn lou in phailae a sawk

a, phal zahzah pe pawl, amah nek sang a quality ngiam zaw lei a, antangpham dia pe pawl i om hi. Huan ding lak a pham-pham khia a Jesu zintun min zaw a deih huai pen kasa lailai hi.

Roman Catholic Ulian teng Pope in Vetican City ah samkhawm a, hichi in a chi "Nidanglai Peter leh Johante Biakin hoh dia apai lai un kong bul a tupa'n banghiam apiak di uh lamen takin khut ana doh lai in, piak ding neih lou maimah uhi" Tun zaw en (RCC) i neita" chi asum koihna almirah hong khia in sum, sana hong luang khe zuazua hi. Huai laitakin Thomas Iquinas in "Dangkasum i neih uh himahleh Peter leh Johan in aneih uh 'Na khe in inn lam zawt in' chih i nei kei uhi" achi hi. (Acts. 3:6)

Gam thak i lut sawm na uah koi zaw? Missionary Day zat nuam.

I gam ah khovak hong tang

- V. Nunlian

Manipur simtum bial a ei singtangmi khosate tualniam leh mawl tak a i khosak lai ni-te uh tulai khangthakte'n a theichian taktak nawn kei ding uh. Bristish te'n agam ua ahon paikik san deik lai ua, "Bang na deih ua?" chih dotna ahon bawl uleh "Bootpi (khedap) hon pia un" chia dawnnna ana piak lai nite uh! Amau (British) te'n ahon dotna uh omzia tak zaw, nam lianzaw te'n ahon henchip louh na ding ua ei leh ei kivaihawm gam khawng ngen dia hon lamen uh hih chituak mahmah hi. Himahleh tuabang hunlai in Bootpi (khedap) mahmah thupi hikka ding hi. Ka pute khat, a tangval lai a alawmte toh a kisukheh khak chiangan a inn lam uah tai vengveng a, a bootpi va bun chat zel hi. Huai hunlai a bootpi a kisuih ding lauhuai mahmah ahihmanin bootpi neipa tuh a bootpi ziak a a-vualzoh hun tampi ana om dan ahi. Bootpi tuh poimoh thou dan ana hi eive!

Khekol (tawka) chih lah ana om tuam lou, anu-apa in puan teng! Pasalte'n numeite sang a siing zaw deuh in puamtum ten thoh ua, underwear (puannuaiten) lah omtuamlou ahihmanin tutkhelh khak hun ana om mun mahmah hihtuak! "Lou keen deuh na mun a lou khou a bungbute' nunglam bang a paikhak ding kisanlah huaipi ahi" chih in ka pu'n ahon na hilh ngei hi. Nawtkuang aom kei a, meisah kichi, nahtangan akipan abawl uh, pat bangbang leh suangaak leh sik taat/sai tuah in mei ana toh sek uhi.

Chi (salt) a duh chiangan chikhuk ah va hoh ua, tua chikhuk ah tui al mahmah om a, huai tui-al pen a huan nilouh chiangan chi (salt) hong suak hi. Hiai dingin nni tampipi a giahkhiak uh ngai sek hi. A omna khua ua kipan a khodak chiangan a muh theih tan ban uah bang aom diam aw? chi in gel sek ua, a gintak theih tawp uah "Misi khua" kichi om dingin koih uhi. Abikin, Guun (lui) gal kichihna mun ah misite pai zel uh ahi chih ana gintak dan uh ahi. Guun lui pen tua imphal kholai a luang suk, Burma a luanglut ahi. A

JESU NEIH KA UT ZAW CHIH LA HONG PIANKHIAK DAN

George Beverly tuh Kum 1930 Lak velin New York Khopi a om Lenna Insurance Company ah sem hi. A sepnna company tuh vangsiat huai takin hong keniam mahmah a, a sum dinmun uh kisiat ziaikin ziaikin, semtute loh niam sak ding thu ahong om hi. Tangval kum 22 mi lel George Beverly

Huchiin mikhat in bawite hongpai un chiiin ka nau apom a kei ka khut a honlen in hon pawtkhiakpih a, ka Inn lam uah hon paipih vengveng hi. Pathian kiang a thumna hoihtak a ahon neihsak zohin Pathian in hon ompih gige ding ahi chih hon hilh a huchiin ahon paisan hi.

Thukup ka hon bawl ut tuh abiktakin Mother's day & Father's day ahong tun chiangin mahni Inn chiat ah nu-le-pa neilaite'n pahtawina ahithe bangbang bawl ding in ahoih hi. Thilpiak piak bang leng ahoih a, himahleh van tuamtuam i piak sanga akipahpih pen uh hia a ka theih tuh NU KON IT, PA KON IT, NON KEP NON AWLMOHNATE ZIAK UN KA KIPAK chih thute ahi. Sihni a luang tung khawng a gen ek sangin a damsung mahmah ua abil ua azak ding un genle-hang i nu-le-pate kipak ding ua hong damsawt ding uh ahi.

Huan hiai nite inkuan tengteng adia kipahna NI hivek khollou ahi chih phawk gige a hoih. Inkuan iki bangvek khol kei ua, khenkhat te'n nu-le-pa toh kipaktakin azang ua, khenkhat te'n nu' haan or pa' haan tung a Pathian kiang a kipahthu gena hun in a zang thei ua, khenkhat te'n bel khasiatna leh kahna in zang uhi.

Huaiziakin hiai ni-te tuh Saptuam sung a department tuamtuam te'n tagah meithaite vehna, amaute adia thumsakna leh Pathian thu tungtawn a hanthawna thute gena ni in zang thei leng manpha mahmah ding in ka gingta hi. Huan, Biakin Program chituamdeuh bawl i sawntak hial leh leng ngaihtuah kiim vel masak a, atangpi khat bawl lel ding ahi. Aziakbel ei kipak leh lungdam a i om laitakin aningkhath ah kuahiam khase vungvung ana om kha thei a, Pathian' Biakin tuh kipahna mun sangin khasiatna mun in akilang zenzen kha ding chih ka lauh manin hiai thute ka hon kum hi.

tuh akingaihtuah buai mahmahta mai a.. A lohkhiat leng inkuan kivakna tham chingzoulou ahihnak kalin, a loh hihnam lai le-uh amalam hun bang a chita dia? Zi nei in ta nei leh inkuan avak zou na diam? Chihte hon ngaihtuhta hi. Huchia lungsim buai leh haksataka aomlai in, New York Radio Station in a aw hoih dan leh alasak siam dan ana thei kha ua, Radio Artist dingin zawn uhi. Huchiin siam a sa mahmah ua, Radio Artist hidden dia Contract Sign pih ut uh ahihmanin George Beverly te inkuan le akipak mahmah uhi. George Beverly pa tuh Pastor ahi a, Pathian' nasem inkuan ahihban uah, George Beverly in a Biakin uah Pathian phatna la sa zel ahia, Radio- a leng Pathian phatna la kia sak a ut thu ahon genta hi. Radio station thuneituten Pathian phatna la pen Sunday kia a kikhah ahihmanin hun dangte a Latualleng, Zawlla leh khovel la tuamtuam asak ngai ding a chi uhi.

A aw hoih banah, la asiam luat ziakin La tuamtuam sa leh khovel a amin hong thang ding, mi hausa hong hipah thei ahihdan leng ahilh uhi. George tuh alungbuai mahmah mai a, kingaihtuahna ding hun pe din a ngen hi. Zawlla leh la tuamtuamte sa leh khovel a aminthan didan leh

nungakten a ngaihsan didan khawng uh ngaih tuah in; bangtan hiam a kingaihtuah nungin Zawlla leh la tuamtuam sa dingin thupukna hon la hi. A piano Tum in zawlla sa din hong kisa panta a, huchi kawm kal ah a Nu ana patau mahmah a, Pastor' Tapa khat zawlla sa a aminthan ding ngai thei mahmh lou hi. A tapa khovel tuipi kifawn tunga mangthang mai din apha kei a, huchiin Kiginni nitak khat Rhea F.Milleran' in a gelh "Jesu neih ka ut zaw, Goumanpha pen sang in, Amah a hih ka utzaw, lei sum tengteng neih sangin" chih lavui atapa George' in Piona a tum sek na dohkan ah an koih sakta hi.

George inleng Pathianni kikhop Chiang a asak ding la en in piono hon tum a, a lasak dek pen ana om lou in, anu' koih pen hon mu hi. A sim leh alungsim khoih mahmah a, a lasak sawm pen ngaihsak nawn lou in tua lavui pen akaih hon bawla hi. A Pianohon mekging a, hon sata hi. "Jesu neih ka ut zaw, Goumanphapen sangin, Amah a hih ka ut, lei sum teng neih sangin; Jesu neih ka utzaw, Gam leh inn sang in, a khut kikilh a kei honpina ka telzaw" Chih teng a sak zohin ala thu dang hong pawt zom zel hi. Jesu

ngaihtuahna uh, a khovel theih dan uh neu mahmah, gamla ana mu hetlou ahi uh chih Chiang mahmah hi.

Gamsa lian, Sai, Sakei leh Zangsiak kichite i gam uah ana om tham mahleh, huaite that zoute pasal hangsan bang a ngaih ahihziakun ana deldelh sek ua, tua Sa lian ten mihing ana thah khak chiangun phuba la ding chi in tangval hangsanthe kikaikhawm in i gam a sa lian omte ana that zel ua, tua ziakin i gam a sa liante mun bit zaw ah ana kihemkhia hi uhi. Dawi/ Sikha ana lau mahmah ua, a sukbuai louh na ding in kum tengin kithoihna ana nei ua, khobawl chi in tungman a sial lem khawng bawl in khua suksianna hun khawng ana zang den hi uhi. A tate uh daw in a mat louh na ding chi in lou a kuansan dek Chiang bangun a lu uah tuibuk khawng phih khum zel uhi.

Kisilna dingin Ta-ngal zang ua, puansawpna dingin Meleng (singgah phuanthei) khawng ana zang uhi. Laimal (A,B,C) himhim ana theilou ahihmanun thil a chiamteh nopte uh byheart hivilvel a, la-la-phuahte uh leng a gelh om tuan lou, byheart dimdem in lungtang ah ana kem uhi. Kau nei inkuan deuhthe khotaw lam ah teng

sak uhi, aziak bel, thil/meh gim pen tou leen deuh ahihmanin meh gim lim khawng a diik khak louh deuh na ding uh hisap hi uhi. Meh gim lim khawng kau neiten ana dik khak ua, a hazat ua, mehlim mehte kau in a peh khak ding venna hideuh hi.

Ann nek kuang om tuanlou, sing a kibawl kuangpi in ann ne ua, ann a nek zoh chiangun a kuangnenge uh Ui nek din koih ua, Ui in a liahsiang zoh chiangin inka tung a nisa ah sawp siang tuan lou in phoukeu ua, nitaklam chiangin huai kuang mah sil nawn tuanlou in ann nekna dingin zang nawn uhi. Ankuang khat a umtuam chih omlou, huai sing kuangpi ah alai a meh thuk in umkhawm mai uhi. Naupang ek tehte vaimim bul in ataw siaksak ua, ahihkeileh Ui liaksiang sak ua, kizen sa mahmah uhi. Nau ann a piak chiangun a nu' n' akam ah ann haizan a, akam a ahaizan ann pen hon lakhe nawn in naupangte mop zel mai hi. Akua-akua sawtpipi kisil lou, pasalte'n sam havi sau in a dek lam uah tum ua, hun awl kal ah numeite'n pasalte' hik etsak in Hik amatte uh akam uah chiplum zel mai uhi.

Kisil mengmeng lou ahihmanun alupna uah Namsia kichi leh Hah (ganhing neuchikchik) tampi om

Coordinator Message

MISSIONARY DAY

".....Buh la ding a hung sawl dingin buh neipa kiang ngen un"
Mathai 9:37

Mission nasemtu mihing tungtawn a sephkiak ding Toupa'n mihing asiamsan ahi. Mi tengteng kiang piak ahivek kei, apiakte Zomite zong khat in ana sem din hon telna point tampite lak ah 3 kon gial hi.

01. Mission Box piak ihi uh: Kum 1964 – 75 vel in, NEIG Mission bial sung revival nasatakin hong tung a, hiai revival in gam, nam dang khamangthang dingte veina piang sak hi. Himahleh Zomite khosatna, innten, louten ngiam ihimanun mission nasepna lemtang zaw etna in KTP tungtawn in Box siamkhiatin hong om hi.

Tuni' n' insan in i inn chiat ua i neih bang hilou in, Box lianpi bawl pat ahi a, Pastor Khamzalian heu in mi tampi'n zui in hiai Box khua khat apan kho dang ah zawn tuah ahi. Neih bangbang, puan, sana, antang leh sum etc. kaikhawm ahi.

"Gam chin ah cross shina thupha hongthang kimvel hen" chih la sa kawm in zawng kawm ua, kipah,

thanopna toh pumdim uhi. June 12, 1975 in Lunchin a manoh lai un kho kiang ah guah zu-daikai nuai ah ana kidawn tuah ua, "Chigenthe lungdon na hiai leitung ah khitui toh nang kon ngak uh" chih la sa in khophawk lou in lim uhi.

Tuni tan a khatvei leng om ngei nawnlou, revival khawmpi hongpian loh a, gamdang mun tampi a Mission nasepna hong thangkha a kipah huai hi. Huai kum a Lungchin khua a revival khawmpi bangbang i gam in revival in poimoh uhi. Hiai bang khamlohna in Welsh revival bang ahi tuan dia chitheih in om hi.

02. Siangkhuah a Mission Nasemte: Zomi numei ten sing a va puak chiangun khomual ahi mission nasepna dingin singkhuah

lama a hun omsaklou, deihloun lama lah hiloulua zenjel, banghiam zeka patau pahpate Nu-ching ahi theikei uh. Bible in Numei kizenna agente thunuilutna leh nunnemna ahi. Jesu'nu Mary leng. *A'nuntakna in Toupa a pahrawi a*, deihsakna tungtuang a tang hi. Rebek-in pasal a neih deka a sanggamte khakna thu a kilawm mahmah, "*Ka sanggamnu aw, nang singngenta sang-tampi-nu hong hi inla*" achi uh (Gen.24:16). Thukhul/Khristian Inkuan a Nu-te hih, pasal leh tate ading kia hilou in, invengte a ding bang, Saptuam a ding bang, khotang leh khovel ading bangin Nu-ching hih sawm thei leng' chi'n iki chial hi.

6. Bible A Nu Hoih Leh Hoihloute: Nu- hoih manphat dan leh nu-hoihlou chimtakuai dan genseng vual ahi. I genta'kte leng a ching zoukei uhi. Mahni chiatin isui beh theihna dingin Bible a numei-hoih leh hoihlou taklang leng:

A. Nu-hoih Loute: i) Evi, ii) Job'Ji, iii) Lota'Ji, iv) Mikal, v) Jezbel, vi) Zeresi, vii) Herodi, viii) Saphira. B. Nu Ettawn ta'kte: i) Sarai, ii) Rebek, iii) Ruthi, iv) Hana, v) Abigail, vi) Bethani khuua

Mari vii) Mari, Jesu' Nu. Inkuan Nu hiding a numei in pasal aneih laiin kivel chian leng. Nu hih chingzouna kahi nachi ngamma hiam? Insung leh Nu akizom a, Nu tellou in, insung a buching theikei. Huaiziakin, Nu in insung a nutsiat tamluat chiangin insung a nawngkai khanak hi. Gamsate bangloun mihingte hi, Nu angsunga om hun a sawt tuanse hi. Nu-te puan mongkai lena itai theih huna panin ihinkhua mizia ding ana kipan a, Nu-te'n ann honmop laiun thu hoih hon muam teljel ding uh ana hi. Naupang a hong liandeuh ua, huaichianga Nu tamtakte tantuan hi, "**nang gen ding a omkei**" chih khawng ahi nuam mahmah. Nau kap ging leh kitengtaneih thawmging zak ding a om nawnkei a, hiai hun chiangin ahi, Nu hoihlou omnate bel, tate lungkampi in, tuivai zawng kaapliam bangmai, kidawm a kun mailouh zaw hithei om nawnlou ahi. Nu hoih omna, thu hoih kihilhnate bel, leihoih a haichi chiin mah bangin khang hulhul hi.

"Van gamah ka tellouin, Kipakin na pai maw; Gawtmun apan hon sam ing, Nu aw hon hun theilou ding maw ?

seuhsouh hi. Tui koih na dingin gua bawl ua, "Tuithei" chi uhi. Lupna dingin maupek zang ua, lukham dingin gaw pum lian deuh zang mai ua, a khapna uh zol kilkel hial hi. Misi aom peuhmah leh zu dawn kawm in ni bangzah hiam khitung ah koih ua, kho hausate bang ni tampipi koih in om uhi. Misi uih gim dik nop deuh na dia zu ana hah bawl uh leh hiding hi. Kho khat leh kho khat ana kidou ua, khua kisim (kidou) a tam luat ziakin hausate inn kim ah tangval tampipi giakkhawm sek uhi.

Tulai a Gawphel (vasa kapna) dia i zat rubber gui ana om nailou ahihmanin Thalpeu bang deuh Gua laikum ua, thalgui bang a bawl in, huai gui ah sailim koihna ding bawl ua, zangsiam mahmah uhi. Pat akipan abawl uh khaute zangin puansilh ding kaikhawm ua, numeiten gimpah mahmah uhi. Numeite tuh khovakma tham, akmasa khuan chiangin khomial lak ah thou ua, ann huan kawm in buh su kawm ua, khovak philphelh toh kiton in ann ne ua, ann nekhin lou kuan, loukuan a tun chiangin nahzial zial ua, a lup matan uh khau khek nawn leuleu uhi. Tuabang hunlai a nasep

awlmo mahmah te'n a tate mel natawm uh thei lou ahi uh achih uh thudik mahmah ana hidan ahi.

Tuabang a nam mawl mahmah ihihlai un, khovel kil khenkhat ah mihingte' pilna ana sang mahmahta a, kisumdawntuahnate, laimal leh khosakna ah ana changkang mahmahta hi. Tua gam changkang leh mipil masa Scotland gam a Edinburg ah 1869, January 05 in William Pettigrew hong piang hi. Anu' n a neu lai in sihsan pah a, apa ahiehleh Presbyterian kulmut mahmah khat, khotang a dinmun poimoh tuamtum a kizang mi ahi. William Pettigrew in America Missionary minthang mahmah Adoniram Judson kichi Burma a missionary a kuan pa tanchin a zakkhak takin amah hinkhua ah Missionary a kuan ding lunglutna lianpi hon neihloh hi. Huchi'n India a missionary dia kuan dingin ki ngetna bawl a, huchi'n Arthington Aborigines Mission-te phalna in December 16, 1890 kum in a tenna gam nusia in Bengal, India gam hong tung hi.

Tanchinhoih gen khak nai louhna, Manipur gam lut a sawm lai in Manipur ah Leeng/kumpi kituhna ziakin buaina hong om a, a tup

hichibang in....Numei-hoihlou' muk ah khuauza a om a, ki veng a kul hi....Numei-hoihlou in mi tampi asu liam a, a inn seol(gawtmun/misikhua) lampi ahia, sihna mun ah alut....Kizuak-nu ziakin pasal tanghou-them a suaksak....Numei-hoihlou peen kokhuk ahi a, guta bangin mi a changa, lepchianna a pungsak hi. Huaijiakin, numei-hanhat toh inn-thupi a om(te'n) sangin, inn-tung-vum a om a hoih jaw...vuahchi'n leh numei-hanhat a kibang. Huchibangte kuaman a daisak(minsesak) theikei a, huhi daikaih sawm banglel ahi.

#Numei-hoih in bel, zahtak a lawh a, a pasal a dingin manglukhu ahi. A suante leng Hotdam in a om uhi. #Numei-hoih in inn a lama, numei-hoihlou in a phelsia zaw hi. #Miphat a lawh a, apasal mite theih ahi a, a manphat-dan teh vual a hikei. #Ataima a, thadah'tanghou a ne nuam kei. #Gentheite lama a ban a jakin a panpih jel hi. Tulai in, Nu-pe'n tate kem manlou zena, sum zong a vaka tualsuak itamta, jan- hun a hong hih chialah gim kisa, ta-le-naute ngaiksak manlou leh peihloun thuah. Hiai in inkuan' siatna a tun hi'n kamu. Tate ke'm manlou hiala sum zong a i muh khiakte in tate' hinkhua a i mansakte din zoulou hi.

3. Atanu in Anu a su'n:

Bible a i muh bangin, "*Atanu in anu a su'n*" chih ahi (Ezek.15:44). Kuapeuhmahin a hon suangtu Nu leh Pa i su'n chiat hi. Hihtheihna leh kivatna lamah Pa-te kisu'n deuh a, imi hinzia hoih leh hoihloun lamah Nu-te lam a kila deuh hi a theih in om hi. Huaijiakin, hinkhua kibawlna skul hoihpe'n tuh Nu-te' kepna ahi. Artist thupi Arysheffer-te French Historian Michelet te'n a hoihnate uh Nu apan a puak khiak uh ahi' achi uhi. English Laphuak tu minthang, Lord Byron - in, hoihlouna khat a Nu apan a lak hidan in a gen. Nu i chih tate kisinna bulpi ahi a, bangchi bang hinkhua tate neihsak i tum hiam?... '*a tanu in a Nu a su'n*' chih ahi ngal a.

4. Naupailai Apan Pilvang In:

Tate a dia limlang(mirror) hoih hih sawmte a naupai lai apan in kisa khawl uhi. Eimite'n naupai kipat tung lai sinsiat hun, sinsou leh lungtom hun ina chi uhi. Mi kibang vekkei mahle hang, hiai hih diklou hial ahi....'*naupai hun pen zaidam hun ding ahi zaw hi.*' Nu' sisan a nau kibawl lian pen a nu mizia honla pan hi. Huaiziakin, gailai a mi lungtom leh hehngoh hat numei lungkimlou gige te'n, ta(child)

bilbel louh ziakin Ukhrl singtang mite lak a kisuan dingin a phalsak hi. Hiai tuh tribalte vangphatna a suak a, Meiteite'n a hun hoih, hamphatna ding uh a tanta uhi. Jentel saptuante i vang nei chih bang deuh ahi. William Pettigrew tuh 1895 in Ukhrl ah lut a, amah missionary dia sawltu Arthington Aborigine Mission ten lah a sawlna uh Meitei lak a omlou chi in a loh (salaries) bang a sutawp ua, chawmtu bei in aom hi. Amah leng Jorhat, Assam a America Baptist (AB) Missiointe kiang ah ava kihil a, kei Baptist ka hikei a, hilehlang na Missionary-te lak ua khat dia na hon deih uleh Baptist missionary ka hi dia, Ukhrl ah ka na patsa hon sunzom sak un ava chi hi. ABM te'n leng kipaktak in khawmpilian ah ana pomlutta uhi. Huaiziakin tuni chiangin leng unau Tangkhul Nagate leh Sadar Hills lam a unau Kukite Baptist ahi vek phial uhi. Hiai bang ahi Manipur suahlam a Gospel hong lut pat dan. Manipur singtang gam pumpi William Pettigrew mohpuakna hilehlang Manipur South West, tulai a Churachandpur District i chih lam hon sawk pha ban lou in aom a, TANGTHUPHA za man lou in i pu leh pate uh khang tampi a mangthangta maizen uhi. Poi na tel e aw!!!

Jesu Khrist itna in batlah a nei kei a, 1894 kum a Imphal a William Pettigrew hong tun kum mah in Aizawl, Lushai Hills (Tulai a Mizoram) ah 1894 kum in Rev. F.W. Savidge (Sap upa) leh Rev. Lorrain (Pu Buanga)-te Tangthupha gen dingin alut uhi. Pathian min phat om hen! Missionary Savidge leh Lorrain ten Hausa 3 (thum).- Durtlang hausapa Suaka, Chaltlang hausa Thangphunga leh Lungleng hausapa Kamliana-te kihoutheihpih in amaute akipan Lusei pau a zil ua, hausate'n leng missionaryte apan in lehkha a zil uhi. Huchi'n kum 4 sung lel in Tanchin Hoih Luka gelh. Johan gelh leh Nasepte a bu in a suahkia uhi. Lushei-te AAW bang leng a bawlsak uh ahi. Thukalzeh pian deuh in Paite AAW (laimal) toh kisai gen lut zual lehlang! Mizoram a sap missionary-te mah in Pu Vialphung toh Paite sintongbu AAW bu a bawl ua, himahleh zat louh in ana thelthang kha hi. I poimoh uh Pathian in theigige in Japan gal (khovel kidoupi nihna) sungin Kailham khua ah kum 1945 in Rev. Nengzachin, National Missionary in Japan leh Allied Force te kidou diak a galta i hong om in Paite SINTUNGBU ahon bawl a, hiai hun in i kum leh kiang

bangtakin lut thei zok lou hi. Manipur a lut theih hun ding a ngak sungin Bengali leh Manipuri ana zil hi. Manipur gam buaina toh kisai ahiehleh. Lengpa Gambir Singh in Zi bangzah hiam nei a, 1834 kum a asih in zi tuamtuum apan tapa bangzah hiam leng sihsan hi. A sih zoh in atate Leng ding kituh in buai mahmah ua, 1886 in Lengpa suante laka khat Surchandra Kirti Singh tuh apa sik leh tang in Manipur Leng (Maharaja) in a hong pangta hi. Himahleh a sanggampa Kulachandra Singh leng manipur Leng dan in amah leh amah hong kipuung zui nawn a, huchi vengvung kal ah, Bir Tikendrajit Singh kichi sepaih lianpen (Army Chief) in a pang a, aman thuneihna taktak a tawi zaw sim zel hi. A insung uh buai chihhtakin hong buai zak ua, tua hunlai in Bristish-te India a thunei mahmahtha ahilmanun Surchandra Singh in Calcutta a va hoh in British Governor General kiang ah Manipur leng dia amah gum ding in ava ngen hi. Huchi'n Mangkang solkar in leng a laltutphah kituhpihte gawtna piak ding ngiat kawm in ana pomta uhi. Hiai laltutphah kituhna thubuui suveng thei ding in Bristish solkar in thuneihna neita u ahilmanin Assam

Chief Commissioner Mr. James Wallace Quinton, Gorkha sepaih 400 guard in Manipur ah a sawl uhi. Mr. Greenwood, Political Agent (PA) leh European Officer sagih toh Durbar a thubuui neite a sap nung un leng veng thei taktak tawan lou hi. Atawp in, lengpa compound ah ava lut ua, buaina sousang semsem in, mipi'n Chief Commissioner J.W. Quinton leh European official sagih-te Palace Compound ah ana that vek uhi. Hiai buaina vengvungte pen William Pettigrew a ding in lunglelhna sang mah in Tanchinhoih hilh ding lunggulhna tun zaw hi.

A tawp in William in hunlem hon muta a, A. Porteos, Officiating Political Agent phalna in manipur ah January 6, 1894 hong lut theita hi. Meiteite lak a thugen ahon pat leh amaute'n meiteite tawndan pen Bristish Sahkhua tawndan a khek sawm bang a ngai in Lt. Col. H. St. P. Maxwell kiang ah Pettigrew in Manipur kintak a anutsiat na ding in hekna bawl uhi. Kilawp leh kipaktak-a aom lai in Maj. Maxwell PA suti hong tung kik a, Manipur lengpa'n phaijang a meiteite lak a school honkhiaik ding phal mahleh Pathian hing thugen ding a phal

phunchiak leh lehhat nei ding ahi uh. Samson khah a Nu'n a pailai apan Pathian chiamteh Nazareth mi ahi a, apaitu a Nu'n uain leh zu himhim a dawn hetlough ding ahi. **'Sianglouna ding ahi kei'** chih ahi.

Gai lai in, nek leh dawn hoih a kiphamoh a, pasalte leh inkuan mite'n leng i duat ding. Hichih hun in, jaidam tak leh kipak a hunzat tam sawm ding ahi. Nu khatin, **"Ka naupai lain Bible kasiin seka, huailai a ka nau neihte'n Bible a sim thanuam deuh uh"** ana chih gintak huai petmah kasa hi. Naungek lim(posture) hoih pipi ba^ng(wall) a ta'kte banginle phattuamma a neithe hi. Huan, *Nu in nau, nawi a ngolhsak ding chiang in, a nawi-muk bellbing sak thoh hiam, thil-kha nek mawk hiam a a nawi-ju pum kansak mawk pe'n, nawi sunga a khalh/dat mawk thil lauhuai mahmah, nawi-cancer(breast-cancer) suak thei aki chi. Huai pelh theih nadi, Lampi hoih penpen tuh, nawi-zu tepkang dia Nu in Pa (zakta seloua) a a tep/chip kangsak mai ding ahi, nupa pankhawm na hoih pe'n leh nawi sunga natna huaisia apan kiven didan ahi, huaisa hoih zaw kive'n didan lampi dang a om miah kei. Kei hinkhua a ka experience tektek kon gelh ahia, mi bangzah hiamte'n*

a phattuam pih ding deihna toh. Khatvei ka inteknu'n zumna a ngaihuah adiam a guk in a nawimuk pluster a na belh bing vek In nau nawi na ngawlsak a, huai dana hih a hoih chiah kei. Nu in na nau nawi na tepek apan, nata etkol dibang taka pan nanala himai zenle chin, natate kham-theih-guih-theih a sile omlou dia, nang adiale damtheihna leh khansauna hong hi ding a; ichi, inam leh i gam adia damna hong hiding.

5. Nu Ching Hih Theihna: Anaikhah gena etsaknadi om mahleh, Miss Universe 1994 a te'lkhiak a om, Sushmita Sen mi phathuai mahmah khat ahi. Numei hihnapen tak bang ahia? Chia dotna pe^n, kin-le-buang **a dawng the a; Naupangte hing khetu numei ahi a, huchibangin numei in, itna leh deihsakna pasalte kiang along khesak uh"** chi'n dawng in gen hi. Venberbilt-in, **"Nungak 94% in pasal neih a sawm ua, huailak ah 3% chauh in Nu-ching(qualifying mother) hih a sawm uh"** ana chi. Nu-ching tehna ding in mel leh taksa ahi keia, siamna leh pilna ahisam kei. Pasal nei peuh Nu-ching ahikei uhi. Nu-ching bel, **hinkhua leh hunte ahiding dantak inkuan a dinga zanga, numei hihna mizia hoihte langsak mi Nu-ching ahi.** Utna

ah kuamah nam lai nei lou in a om lai uhi (Lusei pau chih louh). Rev. Nengzachin in Japan galtae sung in Kaihlam ah Junior High English School pankhia in i laisiam masate uh tampi na bawlkhia hi.

Kum 1897 tuh Welsh, England a kipan in David E Jones, Misionary ding in Aizawl hong tung a, 1898 in Rev. Edwin Rowlands leng huai mun mah a hong tung hi. Huai hun lai in Borhsap in Col. Shakespeare a pang hi. Rowland lai hilh siam ziaik, la siam ziaik leh kukhal ziaikin Schoolte a hoih mahmah ua, solkal schoolte phiat in, a sum sente uh Mission School ah hon zang vek zawzen uhi. Amaute nasepna lohching tak a apaitouh zel lai in, 1904 kum in Welsh gam ah Pathian thu a halhna (Revival) nasatak a tung hi. Tua halhna thupitak lak ah Dr. Peter Fraser leh valnou Watkin Roberts (Sap tangval chia sap) te leng a telkha uhi. Missionary dia kipia in, 1908 in Aizawl a hong tung uhi. A nasep patna dingun amau ma a missionary te'n tanchinhoih Johan laibu ana gelhsa pen uh bu 106 a lei ua, hausate leh a mi muante uh a khak uhi. Hiai Johan laibu leina ding sum pen Watkin Robert lawm hoih, Ms. Emily Davies in Pound 5 akhak a

alei uh ahi. Toupa gam a ding in a tawm lua chih om kei tel maw! Watkin Roberts ahiehleh damdawi lam siam hi a, Fraser-te nupa toh pangkhawm in damloute en leh kem kawm in Toupa gam nna sem uhi. Amaute ahiehleh Castle Square Presbyterian Church a kikhawm ahi uhi. Nikhat a damlou etna mun uah Senvon khua akipan mi khat va ki ensak kha a, huai ki ensakpa kiangah Senvon hausapa a ding Johan laibu khak uhi.

Tua laibu pen Senvon hausapa Kamkholun in ana mu a, himahleh a sung a thu kigelhte omzia theisiamlou ahilmanin "Sir, nou hong pai unla, la laibu hon khak uh hong hilhchian un" chih khak hi. Hiai laithon pen Mr. Kaikhohrang leh alawmte thum, Aizawl a puankhui zil dingte'n pua uhi. Hiai sapna lai a muh takun "Mesidonia sapna" bang a ngai in Aizawl a lehkha zil, Watkin Robert toh semkhawm, P. Fraser in ana chawm Lungpau Vaiphei leh Thangkhai Vaipheite toh kithuzak ngal uhi. Amaute mapina in February 5 (khenkhat in a kha leh a nni chiang chiah lou chi) 1910 in Senvon lut ua, a zing Pathianni in Watkin Robert in Johan 3:16 "Pathian in khovel a it mahmah a, huchi'n a Tapa tang

sangin, **"koi ah ka Nu"** a hon chi masa uhi. George Herbert-in, **"Nu hoih khat lel leng teacher zakhat(100) toh a kikim"** a chi. **Khovel a mi minhangte a hong minthanna uh a Nu-te sinsakna ziaik ahi.** Timothy Dwight minthanna ziaik a dot uleh, **"Nu-hoih kanei a ahi"** chi'n dawng hi. Nepolean-te George Washington-te, Duke of Wellington-te aneu lai ua a Pa-te'n a sinsak uh ahi keia, a Nu kepna apan hong thupi khia a hong khusuak khia ahi uhi. John Randolt in, **"ka naupan lai in ka Nu'n hon leen a, hon khuk din pihin, 'Ka Pa uh Van a om' chih hon gen pih zel ziaikin Pathian om ahi' chih gingta thei phet kahi,"** achi hi. Nu hoih manphat dan aki gen chianga tel gige sek Augustine' Nu Monica ahi. Augustine a neu lain a Pa'n a sihsan a, a Nu' kepna a khanglian ahi. A hong valnou a Augustine a khel mahmah a, thanguai taka gamta in, Khristian apan sahkhua dang ah aki hei zawmah in a Nu a taimang san zawmah lai hi. Himahleh, a Nu'n a thumsak gige a, a itna thu lehkhathon in a hilhjel hi. Khatvei Augustine-in Romte Bung 13: 13na thu, **"Suun a awm bangin kilawm takin i awm ding uh,"** chih a hon simtak in a pianthak loh hi. A

Nu'thumna-gah ahi chih thei in a Nu kiang Africa gama **'Thagaste'** kichihna mun ah a kik vengveng a, a Nu'sihni geih in a khua uh a tung hi. Lungbuai mahmah in, **"Ka Nu ana theichian heng, hun sawtpi laia Pathian ana phat theitei ding hi inga, Nu hon penawn un amah zang in Leitung ka hei lamdang ding"** ana chi. Nu-hoihte'thuhilhna a gah kilang pah muhdi omlou bangmahleh, kilawm takmai a apak khiak hun om teitei hi. Tate i kepna'gah tu in mupah kei mahle, isih hun be'k in Toupa'n vual Ahon vualjawl ngeingei ding ahi.

2. Nu-hoih Leh Hoihlou Kikhiakna : Nu, hinkhua hoih leh hoihlou(Nu-sual) te'n, saupi a jelpha tuak a, Bible in Numei hoih leh hoihlou thu ana gentam a, Laphuaktu te'n leng Nu-hoih leh hoihlou thu ana phuak tam uhi. Pahoih leh hoihlou thu(tawng-le-jam) bel, ana kiphuak tam kholkei. Hiai in, Nu-hoih manphat dan leh nu-hoihlou(sual) chintak huai dan alangsak a, mihing' lungsim a **Nu' manphat dan leh a mohpuak poimoh dan** ana taklang bok hi. Kumpi Solomon in Ji 7000 leh mei 300 a nei a, numeite mihin-zia a theipe'n hi. Paunakte a agen 14te igen sengvek kei dinga, a tangpi'n

NU' MANPHATNA LEH MOHPUAKNA

[Mother's Value & her Responsibilities+Sex Edn. : Mother's Day Message].

: Rev. Goukhansiam Guite, Suptd. SLP.

Thumasa: Simtu it leh ngaihnate chibai awle ! Year Calendar i etleh, tukha thak Saptuam ni poimoh omsa bangin, **Missionary day** leh **Nute'ni** ahi. Huai ni poimohte laka khat a hih toh kiton in ka lungsim ah, "**Nu' mohpuakna**" **chih** thulu pansana thu gelh nopna in ka lungsim hon luah zou a hihman in ka hon gelh hi. Ni khat, Lu-suunna hun, khamuanna thugen zoh hun awl hun ah, vengsung Doctor-pa in, "**Pastor leh U pate'n thu na gen chiang un, Pathian' thu vuak gengen lou in, damtheihna (health), politics leh sex education lam toh kisai na gen tam uh poimoh ta ahi**" chia hon gen in ka lungsim vutzek ahihmanin, sex education phetlou, inkuan leh saptuam politics toh ki tuah in hiai article ka hon gelh ahi' chih kon taklang masa hi. "**NU**" iva chih himhim chiangin, i kama kipan agin khiak sangin lungsim lam ah ahihna a thuk zaw tham ana omsa om a, i lungkhamna leh kipahnate igen khiak ut masakna pe'n, **NU** leh **PA** hipah hi.

I Nu-te kiang ah i lungsim a igen khiak nop a tamzaw tham, i pa leh midangte kiang sangmah in igen khe masa ngam zaw sek ahi. Nu neiloute kiang a "**Nu**" chih gentam louh a hoih zaw sek hi. Nu in duat leh deihtoth mahmah a a kep laite theikhia in, a khitui uh a luang pah mai hi. Dam-louh-hitan a tuah lai ua Nu in ata pua kawm a, "**Bawi aw na thuaksik thuak zaw maileng maw**" a chih laite theikhia in lungsim ana vungvung

mai hi. Bishop Thomson-in, "**Nu chih kammal in lungsim kipahna bangzah tak a tun diam maw,**" ana chi hi. Nu manphatna la hoih pipi isa seka, tua Nu nei laite'n i Nute'n hon gimpoh dante thei in, atung uah bat ihau petmah chih thei ni.

1. Nu-tuh Insung Missionary ahi: Insung in a mitsuan gige pe'n Nu ahi. Naupang Khawlak pawt a hong pai ua, "**koi ah ka Pa**" chih

neihsun apia hi. Kuapeuh amah gingta tuh a manthat louh a, khantawn hinna a neih theih na dingin" chih simkhia in hihcheta bawl hi. A zing January 7, 2010 in Aizawl lam ah Robert leh alawmte, kho tuamtuam tawn in kik nawn ua, Vervek khua a tun un anungzui, Lungpau leh Thangkhai te'n leng Jesu Khrist a hondampa ding un sang uhi.

Siamsinna leh Pathianthu sinsakna hoihtak toh Gospel khansak ding tup a nei in Watkin Robert leh a seppih te'n Senvon khua a school pan dingin Mizo gingtu lak a mi thum, Savawma, Thangchhingpua leh Vanzika-te sawl ua, Tuiyai lui Rahnamchhuah mun a tun un, tui kan didan lungzing sim mahleuh Meitei mi bangzah hiam Gua sat te'n long in pi galkai uhi. Amau teng thum leng Manipur gam a sik khak tak un "Aw Pathian nang tangthupha non pia" chih la ngaihtakin sa uh kichi hi. Huchi in May 7, 2010 in Senvon khua tung uhi.

Missionary day zat hun toh kisai in ahun chet pen ngaihdan tuamtuam om sim mahleh tanchinhoih hong lut tung lai a saptuam ana kipan masa khenkhat in Watkin Robert in school pan dia mi thum ahon sawlte

Senvon a hong lut ni uh ana thei kha zaw hikha ding uhi. Huai hun leh nni pen Missionary Day dingin ana zang ua, saptuam masate zat dan in adang tamtakin hon zangtou ua, huchi'n Leaders' Conference of the North East India General Mission te'n 1960 kum in May 7 tuh Missionary Day dingin ana namkipta (thupukna la) uhi.

I gam a Tangthupha hong lut tung lai in, gingtu masate'n deidanna nasatak ana thuk ua, khosung a lut sak louh, banah sasat liau ngai chihte tanpha a gap in ana om uhi. Ka Pu' hon hih ka mangngil theih het louh khat, evangelist khat in Kaihlam a suangdoh tung a Pathian' thu a va gen leh mi khat in gawphel in ana kap a, thugentupa' tal kap sak hi. A sisan luangkha-te a bible a siak kawm in thu gen teitei chi hi. Bangchituk in ana nang mahle-uh Tangthupha in i gam hon zel suakta a, hiai tanchinhoih ziakin school leh sinsakna tuamtuamte hong omtou in, tuni chiangin khangthak laisiam tampite'n a zar i zou ua, naktak in i gam khangtou hi.

"Tanchinhoih tunte' khe kilawm hinatle" Amen.

naa hon sepsak leh Hon itna ziak in kipah thu gen in pahtawina sang penpen pe ni. "Tun nu aw hong it

pen ing, ka ngaih pen tun aw, nang hang kei hichiang a tung thei maw" chi ni.

NUTE' MANPHAT DAN

- Nu Vashti Kim, Rayburn PC

Nu-te manphat dan i theihsa uh himahleh a manphat dan uh gen seng vuallouh leh sut seng vuallouh ahihziakin Nute Ni ahih toh kiton in Nute manphat dan tamlou kon gelh hi.

Awle, mun chih-mual chih a om Nu tengteng leh simtute na vek un i Hondampa Yahweh min suang in Nute' Ni chibai! Zi hoih leh manpha Paunakte 31:10-31 a i muh mahbangun tanvou thupitak semsua ahihdan a chiang mahmah hi.

- | | |
|---|--|
| 01. Rubi Suangmantam sang in a MANPHA zaw tham hi. | 07. A khut a lamkhiak GRAPE HUANABAWL hi. |
| 02. A pasal lungtang in amah a MUANG hi. | 08. HATNA in a kawng a gak a, abante ahihhat hi. |
| 03. A damsung teng in a pasal a dingin THILHOIH ahih. | 09. Siam gan in KUKKALNA asuah hi. |
| 04. KILAWPTAK in nna asem. | 10. Mizawngte lam a khut zak in tasamte a PANPIH hi. |
| 05. SUMSIN SIAM ahi a, gamlapi akipan nek ding hon pua hi. | 11. A kinkuanpihte SILH LEH TEN hoih in a THUAM hi. |
| 06. Khovak ma in thou a, a inkuanpihte' nek ding a sutuaha, TAIMATAKIN asem hi. | 12. KHUTSIAMSILBAWL a poimoh ngaih hi. |
| | 13. A pasal a ding a mite THEIH |

neihsak mahleh, a tapa ziaka bawl gentheih a om ahihdan I mu uhi. Isaac zi Rebekah thumanna a lamdang ahi. Mosi' Nu Jacobed, Samuel' Nu Hannah, Johan' Nu Elizabeth, Jesu' Nu Mary leh Timothy' Nu Eunice chihthe tanchin akipan in Nute thupina a sintheih hi. Huaiziakin, Bible sinsakna toh hiai ni poimoh tak zat a om pen kikalh danin ngaihtuah kei leng a uthuai hi. Huan, hiai ni poimoh tak zat ahih kawmkawm in, kuahiam Nute damlaite'n pahtawina I bawlttheih leh a khengval hi hetlou ding ahi chih ngaihdan ka nei hi.

Awle, tunia I thupi ding ua ka hon telkhiat "**Nu: Pathian lau mi**" chih ahihtoh kiton in Nu khat ka ngaihsang mahmah a om hi. Bible a om Nu khat himahleh, a min a tuangkei hi. Himahleh, Pathian kihta ahi chih bel a chiang mahmah hi. Bible in hon hihhdan in, a pasal tuh galdou mi ahi. Aman, Israelte' a dingin galzou in, a zousel hi. Ahun tamzaw galdouna in a zang hi. Huchibang a, a pasal galzohna dinga ana thumtu, a insung ana kemtu leh a pasal thu zui Nu khat ahi. Aman, Nu ahihna a theigige a, pasal thu a om ding pen ahi dingdan mah in a koihi hi. Huaiziakin, Joshua in "**Kei leh ka innkuante'n zaw**

Toupa na ahi kasep ding uh" (Joshua 24:15b) a chih lai in bangmah a zi akipan lemsaklouhna muh ahikei hi.

Pathian laulou numei in tuh hiaibang a pasalte thupukna koppih thei mengmenglou uhi. Pa adia deihtelna bawl ding tuh Khristian innkuan paidan ahi. Chiamnuh in a kigen a, **Pa insung a lu (head) ahi, Nu a ngawng ahi, Nu hek nana a pai ahi** chih om hi. Saptuam a kizang leh Nu ettontak hidia kilawm tamtak insung dinmun tuh hiai etsakna a kigen bang ahi. Pasalte' thupukna ding bawlsaktu leh mahni deihdan a pasalte kaital tute ahi nak uh. Huchibang Nu tuh Bible pansan a Pathian lau numei chi a kigen bang ahikei chih I taklang nuam ahi.

Nu thupi a kigen (L) Ruth Bell Graham w/o Rev. Dr. Billy Graham in a **kitchen** sungah Toupa nna sem ahihdan hichiin taklang hi: "**Divine service is performed here three times daily**" I chih liantak a kigelh bang (wall) ah tak hi. Aman **kitchen** a nasepna leng Pathian deihdan a sep ahih chiangin manpha ahi chi hi. Pathian gam nasepna a kigen chiangin innsung a poimoh petmah.

“Nu: Pathian lau numei”

By: Pastor H. Thiankhanmuan, Delhi Presbyterian Church

Nute Ni kichi Anna Jervis, America numei khat, akipan hong piangkhaia ahi. Amah *Peace Activists* ahi a, lemna omna dinga mite theiphak a panla ahi. *American Civil War* lai in damlou leh liam tamtak ana enkou in, *Mother's Day Work Clubs* kichi damtheihna toh kisai thute kikupna dingin ana pankhia hi. A pianna Nu Ann Reeves Jervis in 1905 in a sihsan hi. A Nu'n midang tengteng sanga nna thupizaw semkhia ahi, chi in, niteng nasepna akipan khawla a, Nute pahtawina ni khat bawlkhiat ding lunggulh hi. 1908 in American Congress in a ngetna nawlkhihsak uhi. Himahleh, kuhkaltaka, a panlakna ziakin 1911 in Virginia State Holiday dingin puan in om hi. Huan, 1914 in US President Woodrow Wilson in kum tenga May kha Pathinni Nihna pen “Mother's Day” dingin puang hi.

‘Nute Ni’ toh kisai in bangmah Bible toh kisaikhakna omlou ahidhan chiang mahmah hi. Bible toh kisailou ahihleh, eiloi in bangziaka hiai ni poimoh ngaih mahmah I hi ding uah aw! Reformed saptuam kichi lah Bible a kinga petmah, abiktak a kumzabi 17-19 kikal banga Bible pawlam thilte a kingalou, saptuam siangthou chih mite hon theih ahi. Tua kumzabi 21 hun a saptuam’ sianthouna mansuah tum I hi ding uam chih ngaihnan nei bang leng om dingin ka gingta hial hi.

Himahleh, Nute manphatna, a kipiakna uleh, a tate hon kepdan

uh sut in neilehang Nu hihna tuh pahtawilouh vual ahikei dinghi. Nu, kuamah, tate itlou a om uh ka gingtakei hi. Khenkhat in a uang gen mahmah ua, *tate tunga Nu itna in Pa itna a khupzou* a chi hial uhi. Hiai thu a dikna/ diklouhna sut I sawmkei hi. Nu in tate it mahmah ahihman in a itna uh tehpih ding dang omlou itna a genna uh ahik ka gingta hi.

Bible in Nu thupi leh numei manpha tanchin tampi a gen hi. Sarah in Pathian’ thuchiam dungzui a tapa nei ding chih himahleh kum 90 ahihtan ginomtakin a ngak hi. Hagar in Abraham a’ dingin tapa

PHAK THAM ahi.

14. A hat in a ZAHTAKHUI ahi.
15. PILNA in akam aka a, MIGITNA a nei hi.
16. A inkuante omdan hohtak in a en a, thadadhna anei kei.
17. ETKOLSIAMNA a nei hi.
18. PHATTAK aloh hi.
19. ETTONTAK ahi.
20. TOUPALAUDAN siam hi.

Hiai bang manphatna tanvou a sepsuah ziakin kipahman (reward) thupitak piaktak ahi. Amanphatna bangin, Nu manpha tuh:

01. Pathian thilpiak ahi.
02. Pasal a ding a panpihtu, lawmhoih leh manglukhu ahi.
03. Amah tungtawn a leitung a om ihi.
04. Leitung ah numei tam mahleh Amah kia i Nu omsun ahi.
05. Hon kem, hon don, tehpih ding omlou a hon ittu, ahaksa, anuam thuak ngap a pang a hon khoipichingtu ahi.
06. Inkuan a ding a kipumpiak ahi.
07. Kitheihmohbawl mailou a insung a mohpuakna la ahi.
08. Tate hohtak a kem leh thuhilhlu ahi.

Nu tuh amanpha mahmah a, a Aw i zak lel leng ei di’ n nopna ahi. Amel i muh ei di’ n damna ahi, i naungek

lai in a angsung ah hon pom a, i lup Chiang in i ngawng ah hon kawi a, a anglum ah i ihmubit diak hi. I hong lian a, i let nung in Zi leh Pasal i neih in leng hon mangngilh thei kei a, ei hon gum in ei lam ah apang gige hi. A tek tan un leng hon it in hon hawmthoh gige lai hi. Huaiziakin ta hi-te a dingin Nu tuh a mangpha mahmah hi.

Nu Poimohna

*Nu tuh bangkim a poimohte lak a khat ahi. *Nu omlouhna insung a bukim thei kei hi. *Nu tuh insung, khosung leh gamsung bukimsaktu ahi. *A taimak ziakin kial a thuak ngei kei. *A kam apan thu pawt ding, gen louh ding leh gen ding a khen thei a, a ki sum thei hi. *Hihkhelh tampite itna ziakin a ngaidam a, a mangngilh hi. *Akam apan thu pawt damna ahi. *Hoihna leh pilna a lungtang ah a kholkhawm hi. *Diktatna alenkip a, thilhoih peuhmah a zong zel hi. Mite gensiatna in hun a zang ngei kei. *Hehbaih lou in, lungduai takin mite a thunun hi. *Tantawka a lungkim thei mi ahi. *A inkuante adia lallukhu ahik a mangngilh kei. *Nu hon itna tehpih ding aom kei. Nu manphatna sut seng vual ahikei.

Nu-te zahna sangpen i pia hi. Toupa’n nute vualzawl hen aw.

Huan, innsung a kigen chiangan Nu a poimoh hi. Ruth Bell Graham in a damlai a Pathian thu ana gelh ka simkhakte’n Pathian thu sut tatak ahi chih muhtheih hi. Apasal khovel a evangelist minthang himahleh, aman huai pansan a nei in minthanna ana zonglou hi. Huainak sangin, a tawsawntu leh, Pathian kianga thumpihtu in a pangzaw hi. Tulai in, Nu tamtak in *kitchen* a “Divine service is performed here” chih sangin, innsung pua, leh pulpit nasepna tanpha ah tangkou ut zawta uhi. Huchibang Nute tuh *Pathian lau numei* ahipen kholkei ding uh.

Hiai in numeite bangmahlou ahi uh chi ahipah kei hi. Pasalte panpihtu ding ahik kawmawm un, a kulna ah makaihtu ahitheih tham uhi.

Paunakte 31:16, 24, 26 chihte ah dinmun lianpi a nei uh chih kimu hi. Huaiziakin, Paunakte gelhtu in: *numei hoih tuh Rubi suang tunglam pek ah a om a chi hial hi*. Hiai bang a numei hoih tuh “a pasal lungtangin a muanga, punna taksapna a neikei ding. A damsung ni tengin amah a hih hoih, a hihse kei” (v. 11-12) a chi hi. Pasal in dinmun hoih a neihtheihna dinga tawsawntu numei tuh numei hoih, Pathian lau numei ahi hi. Huchibang NU ka neih hampaha kakisa a, a thakin pahtawina ka pia hi. *Na thumna ka damna ahi a, na sinsakna ka khanna ahi. Hatsemsem in aw Nu itpen.*

(*Hiai thugelh ka nu it Niangzangai hinkhua a ka muh tampi laka ka hon laksawn ahi.*)

ZION PCI IN HOTDAMNA CAMP NEI DING

Hong tung ding May 1 - 6, 2017 sung Zion Presbyterian Church in hotdamna chialpi nei ding uhi. Hiai hun ah thugentu in Evan. Lunminthang pang ding a, Gelead Tang, Kawnpui ah nei ding uhi. Hiai camp lohching tak a zat zoh ahihna dingin Zion PCI saptuam ten messenger simtute kiang ah thumpih dingin ngetna bawl uhi.

a ang sung a na bitna leh khamuan na akiam tuan kei ding. Laa phuak tun: ‘Na ang sungmah bit pen muan huai pen’ a na chi. Dik kasa mahmah mai.

Nute pahtawina I piak ding ahi:

NU chih thumal (thumal tengteng lak ah) ki lou mun mahmah lawi hi dingin gintak huai hi. A zaak a nuam a, a zang tun le nuam a sa hi. Khovel ah nute hon itna tehpih theih ding bangmah a omkei.....

“Ka it pen nu aw... Tuisik a ka om lai a pan in Pathian kiang a non thumsak na aw te ka na za, Kei ziak a kipak mahmah a kipah thu na gen leng ka na za ta. A hi a, kipak kawmawm in kei ziak mah in haksatna tampi na na thuak ta hi. Na duh na deih leng ne thei lou/ ne ngam lou in ning kitel leh tha bei ngoihngoih a na om hun in leng non itna ziakin na na thuak teitei a, Nu aw kipak lua ing... Kha kua sung vingveng na gil lum sung a non na puak nungin, sisan leh nai tampi luangin gim tampi toh khovel mel mudin kong piang khe ta hi. Ka mel na muh in non it luat ziakin gim le tawl pipi in leng na nuimmai non musak teitei lai hi. A sun, a zan chih omlou in, phalbi khovot nuai ah leng, ka zun leh ek te siakin, ka

damlouh hitan hun inleng non na kem a, ka gilkiyal hun in na nawi non pia a, na anglum sung ah khamuang in non omsak. Kipak lua ing nu aw... Kong khanglian zel a, nui thei, lam pai thei, pau thei ka hong hih in, na kipah luat ziakin ka tanchin mi namuh teng kiang bang ah na gen a. Non it luat ziakin, ka thuthu non mang a, ka thil hih peuh hoih leh siam non sa vek mai hi... Hun hong pai zelin, na thu ka man louh hun bang hong om a. Pathian kiang ah tawp louin non na thumsak gige chih ka thei... Tuin, nu aw, non thumsakna te ziak in Jesu khrist toh kituak in, sih kha muan na ka nei ta... Nu aw, ka tung a na hoihna zouzai te ziakin kipah thu gen in pahtawina sang pen kon pia hi. Hiai te ban ah, nu aw... na tung a thil ka hih khelkhak leh na khasiat na vivel dia kam pau ka zat khak om leh hehpih takin hon ngaidam in aw. Kipak ing nu aw. Toupan kum tampi dam lai din hon vualzawl hen”.

Chi in, nute ni in, I nu kiang ah I gen thei, I nu mun tuam a om ahik leh lai thon I khak thei, hon dam pih non lou ahik leh hon kem tu, I pi, I nupi, I nuneu kiang ah leng kipah thu I gen thei ding. Ei a dia

Hiai ni pen Nute pahtawina leh A tung ua kipah thu gen na hun a zat ahi.

Nute Manphatna:

1) *Vualzawlina naak:* Mother Teresa in “Nute innkuan a ding in ‘Bank’ bang ahi uh” achi. Nute tuh vualzawlina kemtu a hih man un I it in I duat mahmah ding uh ahi. Vualzawlina naak leh kemtu mai hilou in, Nute kipak tak a a om di uh Pathian dei lam ahi, huaiziakin vualzawlina naak hi di in ta le nau in a vual zawl masa hi. (Pathian in Nute kipah na din tate a pia. sam 113:9). Nu bei in kuamah khovel ah I piang khe kei, huchi mah bangin khovel ah vualzawlina deihlou kuamah I om ka gingta kei. Huaiziakin salam leh khalam vualzawlina tang ding in vualzawlina kemtu na nu ahih lam mangngilh kei in. A kep vualzawlina te hon piak khiak theihna din na nu na kipahsak a, na pahtawi a, na zahtaak a, na itna na latsak gige poimoh hi. Nu hong kipah a, hong lungkim chiangin tate a ding a vualzawlina ahi. Huchi hilou a, nute sim moh, genthei tak a bawl, khase sak gige a I om chiang in, vualzawlina I tan ding pen khamkhawl in om a, ki lamzang thei lou hi. Bang chi tuk in

pilin, siamin, hausa mah le chin, na nu vualzawlina louin na kuitung tuan kei ding hi. Nang a ding in nu tuh vualzawlina bul ahi. (Eph 6:1-3; Exo 20:12)

2) *Khamuantu (Isai 66:12-13)* Paunakte 14:1 ah ‘Numei pil in a inn a lam’ achi. Nu tel lou in innkuan a bukim thei kei. Thupil khat in, ‘Nu tel louhna inmsung tuh gamkeu, tui om louhna toh kibang ahi’ achi. Khovel a I om sungin a nuam, a haksa bang I tuak zel, huai hun chiangin-Ka nu. Nu aw... Nu ei... chih kampau I zang sek. Huaituh ka nun hon khamuan in hon ompih leh chih I lung gulh mahmah I kam in hon genkhia ana hi sek hi. Huchimah bangin Pa hohna nei in hong tung a agen masak pen tuh ‘Na nu la?’ chih a hi. A pasal a din khamuan na leh bukimna ahi. Insung nuamsak tu leng ahi. Huai ban ah tate kap leh khasia a hong om hun un, khamuan tu di hon zong ua, midang kiang naih louin anu kiang mah hong naih uhi. Hiai in Nu khamuantu a hih nah on langsak.

Isai 66:12-13 ah, Nu tuh tate a dia kem tu leh khamuan na tun tu a hih dan I mu. Bangchituk in na nu fel kei in, kamsiam kei in, mawl ta leh

TANCHINHOIH ZIAK A POISAK NEI LOU

Khovot in a pumtuamna gam a khe vuak a lingte leh suangten at mahleh poisakna neilou in tanchinhoih gen ding in a vak kawi-kawi a, a khe apan si tampi a pawt hi. Alawmten “Heutupa bangchi nasa a na liamna?” a chih chiangun hichin dawng hi, “A lamdang ka Hondampa ah ka kipak hi, huai lou in, midangte’n bang ding a sisan kai zengzung a hichibang a vak na hia, chia ahon dot chiangun, mite kalvari a si luang pa Jesu ka kawkmuh theih na ding ahi” chi in dawng hi.

Hiai missionary pan tanchinhoih kizak ngei louhna gam, Tibet a puaklut ding a tupna ah Van akipan hatna ngah hidengin ka gingta hi. Amah ahiehleh september 3, 1889 in punjab gam a Rampur khua ah piang hi. Sikh inkuan apan piangkha, anu sahkua lam a kulmut mahmah khat hi a, zingthoh teng a thumna nei in ann anek ding chiangun thumna a lan masa gige a, a sahkua uh ut ding leh siangthou gige ding in atapa thuhilh zel hi. Huchi’n anu thuhilhna ziakin Hindute laisiangthou, bhagavadgita sim kipan a, kum 7 ahih in Granth, Hindute veda leh muslimte koran lunglut takin sim zel hi.

Toupa Jesu toh kituahna: A school kaina khek in Mission

school khat ah hong kai a, school pu-te’n Laisiangthou (Bible) sim ding a asawl mun luat ziakun nikhat bible botkek in Khristian doudalte lamkai in hong pang a, a school khek nawn in government school ah kai a, Khristiante nuhsan in chiamnuh bawlkhum zel hi.

Pathian thugenna munte khawng alawmte toh suang in va deng sek ua, mipite muh in Thukhunlui laibute hal sek uhi. Himahleh Jesu a doutam deuhdeuh leh a lungtang ah gentheihna a kibehlap zel hi. Atawp in Laisiangthou sim ahon pan zawta hi. Nikhat, lungmuanna zong a, amuh kei leh Rel lampi a Rel kiphulum sak a si ding chi in zing dak 3 in thou a, kisilsiang in hichi’n hong thum hi. “Aw

Pathian, Pathian na om leh ka kiang ah hong kilak inla, hotdamna lampi leh khamuanna hon pia in” chi hi. A thum lai in thakhat in a pindan sung ah vak amu a, huai ah a Hondampa amuta hi. A khut a kilhna mate lak in, “Bang ding a kei hon bawlsia na hia, na Hondampa ka hi” chi hi. Thakhat in a lungsim ah nopna hong dim in khalam gilkialna in a lungkimsakta ahi chih a thei hi.

Thuak ding a sapna

Jesu Christ Hondampa ding a asan khit chiangin apa kiang ah va pai a, Khristian ahildan ahilh hi. Apa’ n a gingta kei a, himahleh a inkuan un anu sahkhua tawpsan a sahkhodang a lut lou ding in a ngen ngutngut hi. Huaibanah, a paneu hause mahmah khat in inn lianpi khat a tonpih in Sikh sahkhua a akiknawn leh sum, sana, dangka leh khibahate tang vek ding ahildan hih hi. Himahleh Jesu Khrist a lungkimna pen muchian mahmah ahifmanin apaneu zolna utlou in nial hi. Tua phet in inn akipan hawlkhik in om a, singnuai, gamnuai ah ahunte hon zangta hi. Nek ding, leh dawn ding neilou a aom lai nasan in lungkelou in a ginna mah lenkip hi. Hun bangtan hiam nungin a inn ua sapkik in om

a, himahleh insung a om thei lou in, namniante toh lumkhawm ding a koih in hong om hi. Tua bang hunte ah leng lungke tuan lou in thauk tei hi. Nikhat a ann lak ah poison (gu) hel sak ua, himahleh huai akipan Pathian in hunkhia hi.

Bangtan hiam nungin Ludhiana ah missionary bangzah hiam toh Laisiangthou sinna hon pan a, kum 16 ah in missionary ding in kipekhia hi. Mun tuam, muah leh tang tungte ah amah chauh in Pathian itna thu puangzak ding in zin kual zel hi. Ann ngolh hun, gimthuakna leh ze-etna tampi thuak mahleh hiai missionary pa’ n tuh kuhkaltakin Jesu itna thu tangkou in mailam nawt zel hi.

A tawp in mun lauhuai tamtak a tuahte leh haksatna a tuahte ziakin khovel pumpi in a hon thei panta ua, christian leh christian lou tampite kikhophawmna khat a thu gen ding a chial in aom a, hiai hun a thugen tungtawn in mi tampi in Hotdamna tang in, thum ding leh semkhe ding in kipumpiak uhi. Huchi’ n aman leng khovel gam tuamtuam ah Pathian thu gen in lohching tou mahmah hi.

April 18, 1929 in alawmte khat kiang ah “Khualzin a lauhuai dan leh ahaksat dan teng pilvang tak a

thei kawm in, tuni’ n Tibet a ding in ka kipankhe ding a, himahleh ka nasepna ding ah ka hihtheihna hoih pen ka suah ding hi” chi in zinkhia hi. Hun leh ni-te hong liam zel mahleh hiai missionary pa’ tuh ahong kik nawn ta kei a, atanchin akan chiangun leng chiangtak a thei aom kei uhi. Mualdawn a mangthang ahi ding, tuikhuk a paih a om ahi ding, chih leh Tibet gam a Martyr a si ahi ding chi in gen dan tuamtuam nei uhi.

Bangteng hileh hiai India sawltakpa Sadhu Sunder Singh in van ah Lallukhu thupitak khu ngei ding ahi chih i theichian uhi. Huaiziakin ei gingtu te’ n Sadhu Sunder Singh bangin shihna tanpha poi salou ding in, muah leh tang, haksatna, gentheihmate poi salou in i kuan ngam diam chih ki ngaituah leh ang ut huai mahmah hi.

Gelhtu : Lamkhansiam, Shoute, C. Tuiveljang.

NUTE NI

-Nu Chiinhoihkim

Hong kipat khiak dan:

Kum 1600 lai in Church of England in Mothering Sunday chih Jesu’ nu Mari theihgige-na in a na zang uhi, himahleh hiai pen su tallang zou lou in, hun hong paizel dungzui in hong bei hi.

Himahleh tu a mi tamtakin in i theih leh i zat tangpi uh ‘NUTE NI’ i chih pen American civil war nung a khotang leh gamtunding nawn na dia-Nu Ann Marie Reeves Jarris naasep leh panlak nate theih pih na in May kha a Pathian ni nih na ‘NUTE NI’ chi a zat ahi. 1908 kum in ki zang pan a, himahleh hiai pen US kumpin official a theih pih hinai lou hi. May 9, 1914 in US Congress pomkip na toh kumteng a May kha a Pathian ni nih na pen MOTHER’S DAY a zat ding in thukim in, President Woodrow Wilson in lemsak pihna suai kai hi.

May
2017
Presbyterian Church in India (Reformed)
pci
MESSENGER



William Pettigrew
Manipur a Tanchinhoih
pawlut masa pen



Watkin Robert
Zomite lak a
tanchinhoih pawluttu



If undelivered, please return to:

The Editor
PCI Messenger
P.O. Box-32, Presbyterian Church in India (Reformed)
Head office : New Lanka (H) 795128
Manipur, INDIA

BOOK POST

To:

From: Coordinator (Missions)

MISSION TOUR REPORT

PRODUCTION TEAM

Editor

Rev. Khen P. Tombing
C/No. 9862088190

Jt. Editor

Rev. H. Chin Thiansong
C/No. 8731850322

Contributing Editors

Rev. G. Suanzalam
Rev. Khamlianmang
Rev. T. Liankholal
Eld. T. Khupzadou
Eld. Langkhanpau Guite
Eld. N. Thangzamawi

Cir. manager

Mr. C. Biaklun

Head Office

Presbyterian Church
in India (Reformed)
Box -32, Hebron Veng,
New Lamka 795006
Manipur, INDIA

Subscription Fee

Rs. 10/- per copy or per month

Website of the Church

<http://www.pcireformed.com>

Printed, published and edited by Rev. Khen P. Tombing at Diamond Offset Press for the Presbyterian Church in India (Reformed)

THU TUUNTE

Editorial	01
I gam ah khovak	03
Nu: pathian lau	10
Tanchinhohih ziak a..	13
Nute' Ni	15
Nute manphat dan	18
Nu manphatna leh mohpuak	20
Missionary Day	25
Jesu neih ka ut zaw...	26
Mission Tour Report	29

A sung a thu
kisuahnte editorial board
ngaihndan ahivek
kei.

PMF-GHQ in i saptuamte vehna leh gamthak lut ding ihinna ua poimoh; thumna, thilpiak a khan ding tupna leh PMF ngim dan kikhekte, pan la-thak a, kalbi tuamtuamte i neihte houlimna neih hoih kisai in Mission Tour 2017 neih ahi. Hiai Tour pen seh thum a khen hi a, seh khatna ah Meitei Mission Field, seh nihna ah Lamka leh South Lamka Presbytery banah seh thumna ah Thanlon leh Singngat Presbytery-te hi a, a kigawm in khua 45 veh suak ahi. Local vehnate ah Local PMF, Session, PWF leh PYF te'n kithuahpihna hon neihpih ua, sa meh lim taktak leh singpi toh honna vaidawn ua, abikin Zo dawn lam ah zing leh nitakin biakna ki

nei khawm a, Pathian thu leh maban panlak didan kikum in hunte hawmthoh hial khop in kivehtuahna lohching mahmah hi.

Kivehtuah zel ni uh:

Saptuam vehna ah sum senna om pahpah ahihmanin sum sen lampang pammaih sakzawkna bang lian zaw hileh kilawm! Ahihhangin huan Kempa'n huandai sia bawl lou in om leh ganhing/setan in haichite suse ding a, huan neipa leh/thangpai ding hi. Doctrine, bible thudik toh kikhuihawmna, pai dan leh pai tup dan thute saptuamte toh houlimna

leh kivehtuahna in saptuamte tha thak naktakin pia in hat sak hi.

Pawlpi governance centralized pen saptuam in headquarter bituk a bawlte pe zou dingin pan hon la ua, a pe zou lou omlai! Aval/atamzaw i piakkhawm chiang ua saptuam hat leh hing hong ki hiding ahi. Bituk kia lametna in kalsuan lou ding, tha hon pe zoulou ding hi. I saptuam member khat in hichi'n ahon chi hi. "Heutute tellou in saptuam gari driver kia toh khosung ah hong tailut lel leng kithang ahi...heutute hial na hong giahlut chiangun...Amen"